

茅

十  
捆

1001



廟黃旗滿勳臣傳 卷一

八旗通志初集卷之二百一

勲臣傳



周禮稱王功曰勲。戰功曰多。然考之載籍。王功必曰大勲。其以多稱戰功。惟見魏武帝薦荀彧表而已。國語稱克潞之役。魏顆卻秦軍。止杜回。其勲銘於景鐘。是戰功亦曰勲也。尚書載大禹誓師之辭曰。肆予以爾衆士奉辭伐罪。爾尚一乃心力。其克有勲。是戰功曰勲。下及於軍士也。三朝國史奏定功臣凡例。官未至大臣。以功得世職者。

惟阿思哈尼哈番以上。乃得請

旨立傳。顧阿達哈哈番以下世職。並出戰功。功有大小。而効力疆場。敵王所愾。其為勲勞。則一志書之。

體視

國史稍寬。未可廢也。用稽八旗世職。

勅書。凡官未至大臣。以戰功得授阿達哈哈番以下

世職者。並依

勅書開載勲勞。別立為勲臣傳。其有功績。散見於

實錄史書者。亦附入焉。

勲臣傳一

鑲黃旗滿洲世職官上

查齊巴扎爾固齊 孫色楚

雅爾布 父拜桑 兄奇樸他里

翁阿岱 子傳達禮 子阿爾遜

蘇爾東阿 孫格梅

黨愷 子滿柱

聶克色 子胡木布 色核

聶牛克 父僧格 子吳庫 色紐克 子多博

辛泰 子拖紐

顧納禪巴圖魯 子伊蘇 弟羅多禮

囊古齊 拜護賴

桑賽 子班朱爾 法特哈

喇古 蒙格 巴爾度禪巴圖魯

扈壽巴圖魯 阿密席理 武納哈

喀喀齊 弟鄂黑 塔納爾岱 孟俄岱 星額禮

薩壁圖 秦達祐 鄂內 慕成格

阿爾泰 兄子艾木布 球蘭

莽嗇 俄木索科 兄愛通阿

篤達理 子敦拜 鍾泰 安崇阿巴圖魯

阿哈泰 子保山 覺羅穆祿

鍾內 父魏赫納 賈哈喇 子桑格

卦搭 綽彙 沙哈納

奇喇爾圖



查齊巴扎爾固齊滿洲鑲黃旗人。姓舒穆祿氏。國初歸附。屢從征伐。以戰陣勇往。

賜以塔思哈名。

太祖高皇帝丁未年八月叙功。授備禦。世職。戊申年從征烏喇。天命六年從大兵征明。克遼東城。尋叙功。加世職為遊擊。年七十休致。以子杜勤慎襲世職。康熙三年其三世孫色楚以壯尼大從征茅麓山有功。授拖沙喇哈番。

雅爾布滿洲鑲黃旗人。姓孟鄂羅氏。世居虎爾

谷地方。天命元年。達爾漢轄奉

命往征。虎爾哈雅爾布來降。旋奉遣往取博機理。未克。携其弟來歸。再往。遂携博機理來降。又往收其衆。將村中人口七百餘。盡率以東。天聰八年。叙功。授牛录章京世職。

滾布。滿洲鑲黃旗人。姓博爾濟吉特氏。父拜桑。兄奇樸。他里。蒙古烏魯特貝勒也。

國初率部屬來歸。授奇樸。他里。以牛录章京世職。既卒。以滾布襲兄職。天聰元年。滾布從征寧遠。

擊敵步兵營。有戰功。又隨征札魯特。獲巴克貝勒。收畜一百。俘阿穆魯。併亥。出斯台吉之母而歸。以功陞三等甲喇章京。卒。以子保住承襲世職。遇

恩詔。加至二等阿達哈哈番。累仕至副都統。

翁阿岱。滿洲鑲黃旗人。姓博察氏。世居納音地方。初任分得撥什庫。隨征遼東。敵兵有以杖擊巴圖魯額駙者。馳往斬之。至寧遠。擊敗明兵。我杜沙佐領下阿爾泰。陷於敵陣。翁阿岱救出之。

奈曼蒙古有六人奪我兵之弓。翁阿岱追斬之。天聰三年。從大兵征明至灤州。刈草遇敵。率本甲喇兵敗之。獲馬四十匹。五年。從大兵征明大凌河。有一蒙古乘馬入松山。追斬之。又於中後所畧地。攻破一臺。崇德六年。從征明圍錦州。同吳大海進戰。多有擒獲。松山敵兵犯我右翼汛地。翁阿岱率本甲喇兵擊却之。叙功。授牛录章京世職。尋卒。子傅達理承襲。過兩次。恩詔。加至三等阿達哈哈番。順治十一年。傅達理隨征

廣東。於新會縣擊偽安西王李定國有功。議叙加世職為二等阿達哈哈番。

和托諾滿洲鑲黃旗人。姓吳爾古禪氏。世居木倫地方。於

國初率兄弟來歸。授半個牛录。旋奉遣取阿胡禮尼滿地方。大有俘獲。將阿胡禮尼滿人戶編為牛录。令和托諾管之。天聰八年。從征明至大同。攻沙城克之。叙功。授牛录章京世職。尋卒。長子哈爾遜承襲。次子阿爾遜。順治十年。以壯尼大



隨定遠大將軍貝勒屯齊。征湖廣至常德府。偽安南王劉文秀。遣偽左將軍盧名臣。偽興國侯馮雙理等。來侵岳州武昌等處。阿爾遜隨燾章京蘇克薩哈等擊敗之。又敗偽王都督兵。十六年。隨安南將軍明安達理。由荊州赴援江寧。至舊縣地方。破海寇偽都督楊文英等。獲船三隻。康熙三年。隨定西將軍圖海等。征湖廣茅麓山。於長樂嶺擊敗賊兵三千。又敗賊首李來亨之子於茅麓山下。又敗之於上王坪地方。來亨自

率兵五千。分八路來犯。復以步戰。隨將軍等進擊敗之。凱旋論功。授拖沙喇哈番。累陞至寧古塔協領。阿爾遜子阿爾法。仕至都察院左副都御史。

蘇爾東。阿滿洲鑲黃旗人。姓傅察氏。世居訥音地方。訥音七村人。叛往葉赫。蘇爾東阿與戰。面被箭傷。叛兵回據佛多和城。

太祖高皇帝癸巳年。蘇爾東阿來請兵。往圍其城。三閱月。殲其衆。



太祖嘉之。賞給四十戶。並賜盃甲鞍馬。又因與訥音七村人合戰時。救出查齊巴塔思哈等有功。給十丁口糧。並給免罪。

勅書。戊申年。從大兵征烏喇。殺其巴圖魯四十人。得賞銀四十兩。癸丑年。從征葉赫。殺敵四十人。賞人一口布三十。又攻扎庫達地方。身被九傷。賞人三口。又從攻撫順。首先衝陣。追毛郎之兵五百餘於溫泉地方。盡殲之。叙功授為三等甲喇章京。世職。

衛寨桑。滿洲鑲黃旗人。姓衛氏。世居察哈爾地方。

太宗文皇帝任為多爾濟昂邦。往說降喀爾喀碩羅王。又說降張家口。論功授為三等甲喇章京。世職。其孫格梅。康熙十九年。以三等待衛從征雲南。逆孽吳世璠。破石門坎。奪黃草壩。平定逆孽。並在事有功。優授拜他喇布勒哈番。世職。

黨愷。鑲黃旗包衣人。姓納喇氏。初任三等轄。天聰三年。始從大兵征明。至北京。擊明經畧袁崇

煥兵。我軍有克特者墜馬。黨愷殺一漢人奪其馬。與克特騎以出。崇德六年。從征明錦州。因兩手被傷。賞銀四十兩。進攻松山。甫登城。頰上中鎗傷。脚膝又被棍傷。遂墜城。又賞銀四十兩。六年。至阿爾沙蘭地方。擊敵。首先衝入敵陣。殺二人。又往歸化城貿易。遇四子部落內畢力克。逃往喀爾喀。追二日。始及。斬之。全獲其妻子。牲畜而還。積軍功。授半個前程。馬爾護納。滿洲鑲黃旗人。姓納穆都魯氏。世居

渾春地方。天聰五年。從征大凌河。擊明監軍道張春前營。執擺牙喇。燾衝入。破之。後營八固山兵。為敵兵所阻。不能前進。馬爾護納仍執大燾。越衆衝入。大兵隨進。遂敗敵兵。八年。叙功。授牛录章京。世職。卒。子滿柱。承襲。順治六年。滿柱隨征大同。叛鎮姜瓖有功。加一拖沙喇哈番。聶克色。滿洲鑲黃旗人。姓納喇氏。世居哈達地方。天聰八年。以辦事有能。不違指使。授三等甲喇章京。世職。順治七年。九年。三遇。

恩詔。加至一等阿達哈哈番。兼一拖沙喇哈番。卒。子胡木布承襲。順治十八年。胡木布隨定西將軍愛星阿。往征緬甸國。獲偽桂王朱由榔。在事有功。康熙九年。以胡木布才能。特任太僕寺少卿。尋以疾致仕。

色核。滿洲鑲黃旗人。姓大佳氏。世居杭間地方。初任包衣牛录章京。天聰八年。從征大同。遇敵哨騎五十餘人。擊斬三人。出邊時。隨圖爾格等以步戰。敗敵兵。崇德六年。大兵圍錦州。色核隨

伊爾登。擊敗明經畧洪承疇兵。克其闕廂。順治元年。從睿王多爾袞入山海關。擊流賊。率包衣牛录兵步戰。追至慶都。二年。叙功。授牛录章京世職。七年。九年。連遇

恩詔。加至三等阿達哈哈番。

聶牛克。滿洲鑲黃旗人。世居寧古塔地方。以地為姓。其父僧格。於

國初。率三百戶來歸。授遊擊世職。聶牛克初任擺牙喇甲喇章京。隨大兵征明寧遠。縱火攻城。同



燾章京阿爾津大敗敵衆。進取蘇班代。明杏山兵來援。又同承政宗室韓岱敗之。天聰九年。隨貝勒多鐸圍錦州有功。崇德三年。從貝勒岳託證明。進邊時。敗明馬總兵。順治元年十月。從豫親王多鐸南征。平定河南。進攻潼關。同阿爾津率噶布什賢埋伏。邀擊賊衆。敗之。二年。至江南。同碩代。蘇爾德。往攻高淳縣。敗城內步兵三千餘。叙功授半個前程。卒。以子吳庫襲父職。順治十一年。隨寧海大將軍宜爾德。征浙江舟山。敗

偽英毅伯阮思。偽總制陳六御等有功。十二年。隨定遠大將軍世子濟度。征福建海賊鄭成功。攻廈門。賊船六百餘隻。排列城堡。吳庫率水師奮勇前戰。逼近廈門岸。中傷陣亡。尋議卹。超贈為三等阿達哈哈番。

色紐克。聶牛克之弟也。初以軍功授世職。緣事革職。順治元年。以廢官從征。破流賊於潼關。在行間有功。二年。至湖廣大冶縣。有賊兵來犯。我營率本甲喇兵擊敗之。又有賊將王六率步兵

犯金壇縣。色紐克率本甲喇兵以步戰敗之。又敗茅山賊兵。三年叙功。授半個前程。七年九年。三遇。

恩詔。加至三等阿達哈哈番。尋卒。子多博。初管佐領。康熙十三年。逆藩耿精忠反。犯江西。破建昌。多博隨定南將軍希爾根進征。九月。至撫州鍾家嶺地方。偽都督易天錫率葉高二偽將軍。馬步四萬餘賊拒敵。多博奮勇進戰。中礮亡。尋議卹。贈一拖沙喇哈番。

辛泰。滿洲鑲黃旗人。姓傅察氏。世居訥音地方。天聰八年。從大兵征大同。攻小石城。以第三人登城。授半個前程。九年。隨貝勒阿濟格等征明。攻安肅縣城。繼海思額德。以第三人登城。崇德元年。叙功。授牛录章京。世職六年卒。以子拖紐襲。拖紐於崇德三年。隨揚威大將軍貝勒岳托託征明。入邊之日。同舒恕敗明馬總兵。至渾河為橋以渡。明范軍門兵來躡我後。拖紐隨梅勒章京內爾特擊敗之。比出邊。留殿後。明吳總兵帥

師來追復同本固山兵敗之。六年始襲父牛录章京世職。順治元年從睿王多爾袞入山海關。擊流賊中火礮陣亡。二年議卹。由牛录章京加贈半個前程。

顧納禪。滿洲鑲黃旗人。姓伊爾根覺羅氏。世居松阿里烏喇地方。天聰九年從睿親王多爾袞等征明。至大同攻石城。首先登城克之。

賜名巴圖魯。授牛录章京世職。順治元年同甲喇章京敖德以步戰擊敗流賊。二年叙功加半個前程。

是年隨豫親王多鐸平定河南江南。在行間有功。又從貝勒博洛往征浙江。敗偽陳總兵於嘉興。又同噶布什賢章京敦允擊敗崑山賊兵。三年叙功加為三等甲喇章京。第二子顧八代。仕至尚書。見儒林傳。第三子伊蘇。康熙十五年以七品官從征廣東。電白縣擊偽將軍馬雄。董仲民力戰陣亡。贈拖沙喇哈番。又顧納禪之弟羅多禮。康熙十四年以擺牙喇甲喇章京從征察哈爾布爾尼。叙功授拖沙喇哈番。



蒙古齊滿洲鑲黃旗人。姓洪伊里氏。世居囊伊烏喇之伊藍蜚兒塔哈村。崇德二年七月。從征瓦爾喀。同吳巴海。西忒庫。追哈木兒哈。葉雷。獲之。三年。從貝勒杜度。征明。至山東。以雲梯攻武定州。繼喀齊喀。以第三人登城。克之。八年。論功。授半個前程。

拜護賴。滿洲鑲黃旗人。崇德三年。以廢官。隨揚威大將軍貝勒岳託。征明。擊明馮太監侯總兵。越準塔巴圖魯軍進戰。旋防守董家口。明步兵

千餘。下山來截我輜重。拜護賴以步戰敗之。又敗其步兵千餘。明三屯營陳總兵。率馬步三千餘來戰。拜護賴率步兵敗之。又同席喇擺牙喇。與敵兵相拒。七晝夜。駐守山上。敵不能破。四年。叙功。授半個前程。

桑賽。滿洲鑲黃旗人。初任牛录章京。崇德三年。從貝勒岳託。征明。入邊時。擊明馬總兵。敗之。又擊敗明八總兵。出邊時。擊明趙軍門馬步兵。敗之。並在行間。順治元年。從睿王多爾袞。入山海。

関撃流賊。隨左翼兵追至延安府。敗之。是夜穴濠攻城。賊兵來拒。擊敗其衆。二年。隨固山額真杜雷勦流賊。至九江府。追及賊船。獲之。三年。叙功授牛录章京。世職。七年。九年。三遇

恩詔。加至二等阿達哈哈番。康熙三年。隨定西將軍圖海等征湖廣。至永南關。敗偽總督一人。偽總兵三人。至潼口。有偽總督一人。率十總兵。馬步兵一萬二千餘。迎戰。亦隨圖海等敗之。十五年。從征貴州。於魯噶地方。擊偽晉王李定國。敗其衆。

十八年。叙功。加世職為一等阿達哈哈番。尋卒。子班朱爾承襲世職。三十五年。班朱爾隨征厄魯特噶爾丹。由西路進兵。以功加一拖沙喇哈番。

法特哈。滿洲鑲黃旗人。姓傅察氏。世居沙濟地方。初任牛录章京。崇德三年。從征明。至豐潤縣。同覺羅顧納代轄。敗明兵。七年。隨大兵圍錦州。兩翼兵合擊松山馬兵。法特哈率本甲喇兵先進克敵。十一月。隨征寧遠。同梅勒章京阿喇善

擊明兵敗之。順治元年。從大兵入山海關。同葉克舒擊敗流賊。明年。追流賊至江南池州府。斬賊哨。獲船七隻。三年。叙功。授半個前程。七年。九年。三遇。

恩詔。加至三等阿達哈哈番。

喇古。滿洲鑲黃旗人。初任擺牙喇甲喇章京。從征阿爾薩蘭。見哈什屯牛录。下一擺牙喇。被傷。喇古斬敵兵。援之以出。崇德五年。大兵圍松山。掘濠。夜有城內步兵突出。即率守汛兵擊敗之。

順治元年。從睿王多爾袞入山海關。擊流賊。追至慶都縣。二年。叙功。授牛录章京。世職。七年。遇恩詔。加一拖沙喇哈番。同旗有馬甲蒙格者。姓翁集爾。金氏。世居札魯特地方。從征鄂羅斯。以第三人奪船有功。授拖沙喇哈番。

巴爾度禪。滿洲鑲黃旗人。崇德五年。從征明圍錦州。步戰。擊敵鎗柵。步兵營克之。八年。隨饒餘貝勒阿巴泰。征明至山東。以雲梯攻兗州府。第一人先登。遂克其城。



賜名巴圖魯。八年論功。授一等甲喇章京世職。順治元年。隨睿王多爾袞入山海關。同甲喇章京敖德。以步戰擊流賊。敗之。三年議叙。加半個前程。扈壽。滿洲鑲黃旗人。姓托和羅氏。世居薩哈連。烏喇木路村。崇德八年。從貝勒阿巴泰。征明。以雲梯攻取長城。首先登進。遂克其城。因

賜名巴圖魯。授牛录章京世職。順治元年。隨睿王多爾袞入山海關。擊流賊。同敖德步戰有功。五月。從葉臣平定山西。同卦喇阿機。拜攻太原府。擊敗

偽劉總兵。克其城。三年叙功。加一拖沙喇哈番。阿密席理。滿洲鑲黃旗人。姓岳諾托氏。原係札魯特蒙古。崇德七年冬。隨奉命大將軍阿巴泰。征明。八年至山東。以雲梯攻汶上縣。繼扈壽。以第二人登城。克其縣。凱旋叙功。授半個前程。順治七年九年。三遇

恩詔。加至三等阿達哈哈番。同旗有武納哈者。姓何舍禮氏。世居葉赫地方。亦以軍功得授拖沙喇哈番世職。累任至江寧副都統。

喀喀齊滿洲鑲黃旗人。姓瓜爾佳氏。世居烏喇地方。崇德七年冬。從饒餘貝勒阿巴泰。證明八年。至山東攻東阿縣。由水洞潛入。遂克其城。尋叙功。授半個前程。順治七年九年。三遇

恩詔。加至三等阿達哈哈番。旋卒。弟鄔黑。承襲。十一年。

鄔黑。隨寧海大將軍宜爾德。征浙江舟山。同署燾章京尼雅達。屢敗偽英毅伯阮思等。獲其船隻。十四年。叙功。加世職。為二等阿達哈哈番。塔納爾。岱滿洲鑲黃旗人。姓額蘇里氏。世居烏

喇地方。以壯尼大。隨證明入山海關。追流賊。順治二年。至江南。攻江陰縣城。於火礮擊塌處。先登。克之。授拖沙喇哈番。同旗有孟俄岱者。姓郭洛羅斯氏。世居沾河地方。崇德八年。隨貝勒阿巴泰。證明。至山東。攻博平縣。不用雲梯。首先登城。克之。授半個前程。又有星額禮者。姓納喇氏。世居葉赫地方。亦隨阿巴泰。證明。繼書紳。登平鄉縣城。克之。授半個前程。順治七年九年。三遇恩詔。並加至三等阿達哈哈番。

薩壁圖滿洲鑲黃旗人。姓何舍里氏。世居哈達地方。崇德八年。隨貝勒阿巴泰。征明。至山東攻沂水縣。以第三人登城。克之。順治二年。從貝勒博洛。征浙江。攻海寧縣。首先登城。克之。叙功。授拖沙喇哈番。七年。九年。三遇。

恩詔加至三等阿達哈哈番。世職。同旗有秦達祜者。姓伊喇里氏。世居葉赫地方。初任牛录章京。順治元年。從大兵入山海關。同額爾德。以步戰。敗流賊。追至慶都縣。二年。叙功。授牛录章京。世職。七

年遇

恩詔加一拖沙喇哈番。又有甲喇章京鄂內者。姓傅察氏。世居訥音地方。順治元年。進北京。二年。隨征福建。五年。隨征江西。積軍功。得授一等阿達哈哈番。世職。又有二等待衛阿蘭才者。原係札魯特貝勒之子。以軍功。得授二等阿達哈哈番。世職。又有甲喇章京慕成格者。姓瓜爾佳氏。世居蘇完地方。亦以軍功。得授三等阿達哈哈番。世職。



阿爾泰滿洲鑲黃旗人。姓阿穆拉氏。世居白山渥集村地方。崇德八年。以壯尼大從貝勒阿巴泰征明。至山東攻沂水縣。以雲梯繼滾。泰登城。克之。叙功授半個前程。世職尋卒。以子觀音保承襲。順治七年。遇

恩詔。加為拜他喇布勒哈番。未幾卒。以其伯父之子艾木布承襲。十一年。征浙江舟山。擊偽伯阮思艾。木布隨署護軍統領。尼雅達擊敗之。又敗偽總制陳六御等。又同敦拜奪獲敵船。十四年。議叙。

加一拖沙喇哈番。康熙十七年。從征福建海寇。擊偽將軍劉國軒於郭塘山崖。隨平南將軍賴塔擊敗之。又敗之於夏坑。毆溪頭山。又破賊於郭塘山。板圍山。東魏山。大平寨等處。十九年。隨征南大將軍賴塔。征逆孽吳世璠。由廣西進雲南。破偽將軍何繼祖於石門坎。進奪黃草壩。直抵雲南城。外平定逆孽。並在行間。二十五年。議叙。加授世職。為二等阿達哈哈番。

球蘭滿洲鑲黃旗人。崇德八年。從貝勒阿巴泰

征明至山東。以雲梯攻兗州府。球蘭以第七人登城。又以雲梯攻寧陽縣。繼博羅以第二人登城。並克之。凱旋叙功。授半個前程。順治元年十一月。從豫親王多鐸南征。平定河南。至潼關。擊流賊第一營。攻揚州府。於紅衣礮擊破城處。以第三人登城有功。七年遇

恩詔。加授拜他喇布勒哈番。又嘗敗土賊於王津村。出駐防滄州。樂陵縣土賊馬步萬餘作亂。球蘭隨梅勒章京羅璧敗之於泊頭村。賊馬長五。率馬

步兵萬餘。來犯我蒙古牛录所駐之村。球蘭助擊敗之。先是大同鎮姜瓖叛。球蘭隨征圍大同。又別攻渾源州。中礮傷手。論功加一拖沙喇哈番。九年兩次

恩詔。加為二等阿達哈哈番。

莽番。滿洲鑲黃旗人。初任牛录章京。崇德八年。隨貝勒阿巴泰征明。至山東。攻東阿縣。不用雲梯。以第二人先登。遂克其城。十二月。從征薩哈連烏喇。圖虎爾蟬結蘇城。喀爾達孫村。俱招降。

之獲丁壯五十三人。順治元年。從英親王阿濟格征流賊。至陝西綏德州。隨梅勒章京阿喇善擊敗賊衆。又同阿喇善往尋賊踪。遇偽吳伯兵三千餘。擊敗之。三年。從肅親王豪格進征四川。擊敗偽帥高汝勵。十一月。擊賊渠八大王張獻忠。旋隨希爾根進兵破賊。顧見董鄂羅與敵步戰相持未決。即同阿喇善助擊。連敗之。五年。叙功。授拖沙喇哈者。俄木索科。滿洲鑲黃旗人。世居漂城地方。其兄

愛通阿

國初來歸。授為備禦。世職。俄木索科初襲兄職。後為工部理事官。五載考績。由牛录章京加半個前程。征松阿里烏喇時。俄木索科圍其村落。獲男子六十五人。初過北京。征山東。遇郝總兵逆戰。率本甲喇兵擊敗之。及圍錦州。敗城南步兵。攻松山之役。敵兵夜犯我壕。奮勇擊敗其衆。順治元年。

定鼎燕京。追擊流賊。賊兵潛躡我後。俄木索科擊



敗之。進至延安府。駐師南山谷。賊乘夜來戰。俄木索科率衆拒守。仍擊退賊兵。隨往牧馬之所。遇流賊七百騎。同我將胡什布敗之。仍破其第一營。復敗之於九公山。後征江西。叛鎮金聲桓。王得仁。賊首率兵七萬。來攻我營。俄木索科率本旗兵敗之。王得仁復整兵來犯。兩次連破其衆。事平議。叙授世職。為三等阿達哈哈番。七年遇

恩詔。加為二等阿達哈哈番。尋復追叙前功。加世職為一等。九年復遇

覃恩。由一等阿達哈哈番。加一拖沙喇哈番。世襲罔替。尋病卒。以其子俄莫惠承襲。

篤達理。滿洲鑲黃旗人。順治元年十一月。從定國大將軍豫親王多鐸南征。平定河南江南。以紅衣礮攻揚州府。於擊破處。首先登城克之。三年論功。授半個前程。七年九年三遇

恩詔。加至三等阿達哈哈番。旋卒。子敦拜承襲。十一年敦拜從寧海大將軍宜爾德征浙江舟山。至夏

關地方。偽總兵毛光祚拒戰。敦拜同夸蘭大鄂泰巴圖魯擊敗之。又敗偽英毅伯阮思等於海上。並在事有功。十四年議叙。加世職為二等阿達哈哈番。

鍾泰。滿洲鑲黃旗人。姓鈕祜祿氏。世居木蘭察庫藍地方。順治三年。從貝勒博洛征福建。以紅衣礮攻平和縣。闕廂於擊破處。首先登城克之。以功授半個前程。九年遇兩次。

恩詔。加至拜他喇布勒哈番。兼一拖沙喇哈番。同旗有安崇阿者。姓瓜爾佳氏。世居訥音江地方。亦隨貝勒博洛征福建。攻汀州府。首先登城克之。

賜巴圖魯名。尋叙功。授拜他喇布勒哈番。世職。順治七年九年。三遇。

恩詔。加至二等阿達哈哈番。長子黃海。仕至副都統。上駟院大臣。

阿哈泰。滿洲鑲黃旗人。姓伊喇里氏。世居葉赫地方。順治五年。從征江西叛鎮金聲桓。十五年。從征貴州。十六年。旋師至江南。擊海賊鄭成功。



並在事有功。授拖沙喇哈番。卒。子保山承襲。康熙三十五年。保山從征噶爾丹。由西路進兵。有功。加世職。為拜他喇布勒哈番。覺羅穆祿。滿洲鑲黃旗人。配享

太廟武功郡王之孫也。順治四年。以其祖有大功。特授穆祿拜他喇布勒哈番。世職。七年。九年。三遇恩詔。加至二等阿達哈哈番。十一年。從靖南將軍朱瑪喇往征廣東。於新會縣左邊山上。敗偽安西王李定國。追至新會縣山峪中。復敗之。十三年。叙

功。加世職。為一等阿達哈哈番。

鍾內。滿洲鑲黃旗人。其父名魏赫訥。於

國初首先來歸。奉差往招降諾洛地方人百口。屢從征伐。在事有功。鍾內以驍騎校從征偽桂王。議叙授拖沙喇哈番。世職。

賈哈喇。滿洲鑲黃旗人。姓傅察氏。世居訥音地方。初管半個牛录。順治十五年。從征貴州。駐北靖州。偽總兵田國欽。黃世貴等。欲來投誠。因賊兵衆多。不能踰越。賈哈喇隨燾章京鄂內。率兵



前往擊敗賊兵。遂受其降。十六年凱旋至江南。值海賊鄭成功入寇。破鎮江瓜州。犯江寧。賈哈喇隨梅勒章京噶褚哈。助本地官兵擊敗之。十七年叙功。授拖沙喇哈番。康熙八年卒。子桑格襲。十八年從征逆孽吳世璠。由廣西進雲南。二十年正月隨征南大將軍賴塔。擊偽將軍何繼祖等於石門坎黃草壩等處。敗之。直抵雲南。並在行間有功。二十五年議叙。加世職。為拜他喇布勒哈番。

卦塔滿洲鑲黃旗人。順治十五年以三等轄從征貴州。擊偽晉王李定國。敗之。進至魯噶地方。定國拒敵。復連敗之。康熙十三年隨奉命大將軍康親王傑書。征逆藩耿精忠。至浙江白水洋。擊偽總兵陳起萬。徐果先等。敗之。又敗偽總兵劉秉仁於山嶺。十八年進福建。勦海寇。至蜈蚣山。偽將軍劉國軒。吳淑等率二萬餘賊來犯。同穆祿等敗之。又敗國軒於郭塘山崖。二十五年叙功。授拖沙喇哈番。

綽鼎滿洲鑲黃旗人。順治十五年。以擺牙喇章京。從征貴州。於涼水井地方。擊敗偽侯李成蛟等。至雙河口。敗偽晉王李定國。又敗之於磨盤山。康熙十四年。隨撫遠大將軍圖海。征叛鎮王輔臣。攻平涼府城北護山墩。並在事有功。二十五年。議叙。授拖沙喇哈番。

沙哈納。滿洲鑲黃旗人。姓吳爾古禪氏。世居木倫地方。順治十五年。以委署擺牙喇壯尼大。從征貴州。敗偽侯李成蛟。至雙河地方。敗偽晉王

李定國。沙哈納在行間有功。尋議叙。授拖沙喇哈番。康熙三年。從征湖廣茅麓山流寇。亦有功。奇喇爾圖。滿洲鑲黃旗人。順治十五年。以署擺牙喇章京。從征貴州。由湖廣靖州進兵。偽總兵田國欽。黃世貴等。欲來投誠。為賊所阻。遂隨燾章京鄂內。擊敗賊二千餘。受其降。比凱旋。由大江回兵。至江南。值海賊鄭成功陷鎮江瓜州。來犯江寧。賊鋒甚銳。奇喇爾圖隨梅勒章京噶褚哈。助地方官兵進擊。連敗之。十七年。叙功。授拖

沙喇哈番。康熙三年。從征湖廣流賊餘黨。攻茅麓山後長樂嶺。賊衆三千餘。排列鎗礮。揆陣迎犯。定南將軍圖海等。令同委署叅領多璧進擊。敗之。賊渠李成亨子。率四千餘賊拒敵。仍同多璧以步戰。敗之。賊下山會合山下賊兵拒戰。仍同多璧擊敗之。進至上王坪。賊渠李來亨。自率五千餘賊。八路來犯。仍同多璧以步戰。連敗其衆。康熙十五年。從撫遠大將軍信郡王鄂札。征叛逆察哈爾布爾尼。至大魯地方。布爾尼率賊拒敵。我兵越山谷。勦殺。敗其山溝伏兵。又連敗之。凱旋議功。加世職。為拜他喇布勒哈番。又一拖沙喇哈番。





三

